

四庫全書

子部

欽定四庫全書

子部

古今事文類聚新集卷十四

詳校官中書

臣孫衡

侍讀臣孫球覆勘

總校官編修

臣王燕緒

校對官學正

臣翁樹棠

謄錄監生

臣黃臣鵠

欽定四庫全書

古今事文類聚新集卷十四

六曹部

兵部尚書

歷代沿革兵部尚書周之夏官大司馬卿也漢置五曹
未有主兵之任魏置五兵尚書謂中兵外兵騎兵別
兵都兵也晉太始中有五兵尚書宋齊梁陳皆有之

元 富大用 撰

後魏置七兵尚書後周置大司馬卿一人隋改兵部
尚書唐龍朔元年改司戎太常伯咸亨復光宅改夏
官尚書神龍復天寶改武部尚書至德復掌武官選
舉總判兵部職方駕部庫部事其分領選舉亦為三
銓如吏部尚書掌武舉民兵廂工軍鹵簿及蕃夷
官員承襲之事凡聯其什伍而教之戰兵部武選之
制倣貢舉法若遣將出兵露布奏捷必告於廟其
屬有三曰職方郡縣地圖蕃夷歸附之事隸焉曰駕

部輦輅車垂庇牧驛傳之事隸焉曰庫部軍器儀
仗鹵簿供帳之事隸焉元豐五年九月詔應汾邊義
勇保甲事並隸樞密院其餘民兵悉隸兵部建炎三
年併衛尉寺歸兵部元仍唐宋舊置兵部掌兵籍軍
器鎮戍厰牧鋪驛車輅儀仗郡邑圖志險阻障塞
之事置令史分掌名頭以尚書為長

羣書要語曰夏官其屬六十掌邦政

周禮

乃立夏官司

馬使帥其屬而掌邦政以佐王平邦國

兵官

司馬掌邦政

統六師平邦國

周官

矧惟若疇圻父薄違

書酒誥

注圻父司

馬

祈父予王之爪牙

詩

睢鳩氏司馬也

左傳

夏官大司

馬之職掌以九伐之法正邦國制軍誥禁以糾邦國領

校人牧師職方司兵之屬即今兵部之任也

通典

尚書大

司馬亦曰夏卿

職林

大司馬者武官也大總武事訓馬為

武者取其健行

釋名

兵部為西曹

崔融選

惟茲夏官實掌

戎政

白居易行柳公綽制

緝熙九法董正六師

孫逖授李林甫制

九法以正

邦國

蔡謨讓五兵尚書疏

中臺政事所出兵部司馬之任

南唐制

夏官掌武超進崇資

揚億代表

文昌七兵之秩

同上

周禮命卿

司馬掌國征之事

戕表類

恭守戎曹訓齊武郡簡稽之務

軍國是殷

許公集

周之九法歷代用焉故夏官之重位高

久虛

錢翊授陸辰兵部尚書制

武選隸於天官兵政總於樞輔故司

馬之職獨省文書

東坡表

掌天下兵衛武官選授之政令

凡軍師戍卒之籍山川要害之圖廐牧甲仗之數

六典

古今事實

為縉雲

黃帝夏官為縉雲

史記

觀鳳凰

黃帝坐玄扈之樓上與司馬容光臨觀鳳凰之至

河圖

以三公領

周成王時畢為三公兼領司馬之職

釋名

為宰相兼

唐姚崇為宰相兼兵部尚書屯戍斥堠士馬儲械無不

暗記

唐書

南省視事

唐李輔國為兵部尚書南省視事使武士戎裝夾道唐書

岐路大用

唐朱灌為兵部尚書自得岐路必當大用封川多方沮

之

同上

數訪時政

唐王起字舉之為兵部尚書文宗數訪逮時政起因積

雨願寬逐臣

唐職林

召入坐語

宋黃中為兵部尚書兼侍讀每常入直上常先遣人候視至則亟召入坐語從容月必一再見公知無不言

朱文

公撰黃
端明碑

居榮尚簡

唐李懷遠除兵部尚書雖久居榮位而彌尚簡率常乘款段馬左僕射豆盧欽望曰公榮貴如此何不買駿馬乘之荅曰此馬幸免驚蹶何假別求聞者歎美

通典

指樹而懷

唐吳湊為京兆尹以能政兼兵部尚書街樹缺所司植
榆以補之湊曰榆非九衢之玩亟命易之以槐及槐陰
成而湊卒人指樹而懷之

奏停叅辭

唐令狐楚諸道新授方鎮節度使等執弓弩帶器仗就
尚書省兵部叅辭楚奏軍國異容古今定制事不由舊
斯為改常未聞省閣之門忽內弓刀之器鄭注外蒙恩

寵內蓄先狂首創奸謀將興亂兆致王播郭行餘之輩
敢驅將吏直詣闕庭震驚乘輿騷動京國雖既往不咎
而其源尚開伏乞速令停罷如須叅謝即具公服從之
坐失軍容

唐玄宗初即位十一月講武於驪山兵部尚書郭元振
坐虧失軍容將斬以徇張說於馬前諫曰元振有功於
社稷雖軍令不可加刑乃配流新州

疏勅亂行

宋祀南郊蕝軾以兵部尚書為鹵簿使上因太廟宿齋
行禮畢特至青城忽有赭傘犢車并青蓋犢車百餘乘
衝突而來公呼御營巡檢使立車前曰西來誰何敢爾
亂行曰皇后并某國太夫人某大長公主也公即於青
城上疏劾之明日中使傳命申勅有司嚴整仗衛

言行錄

論制狄道

宋兵部尚書王庶論制狄之道在於民周文王問太公
以為國太公曰愛民而已兵書無不本諸愛民者上歎

曰大臣才也遂拜樞密副使

中興係
年錄

古今文集

雜著

為楊執柔讓夏官尚書表

李嶠

光寵載臨震悸交集臣某

中謝

臣學無所成志不遠及徒

以憑託霄漢接南陽之近親感會風雲附西京之外戚

遂得叨恩藉幸服冕乘軒將燕雀而同化共鸞鳳而並

翼自升榮軒闥接武卿士徒參河海之象竟乏涓塵之

效竊位妨賢自甘屏黜循涯揣分敢希起獎而聖造不
貲天波累洽仍降非常之澤更申踰等之命豈唯連芳
八坐上比七星固亦分職五曹專司九法昔虞登百揆
命喉舌之官晉簡庶僚崇元凱之秩自時厥後此選尤
難自非宿望通才高賢舊德何以別邦國之大典膺腹
心之所寄臣尸忝無成實彰於既往朽劣不逮難冀於
將來雖輸報有心而勉勵無術寧敢自安時謗屢玷國
猷綜理機衡搜擇才俊而至公之道未廣於翹薪則作

哲之明近謬於庸非恐人物解體衣冠失望伏乞暫迴
冲鑒俯絕過恩更弘尚德之舉不失能官之授則濟濟
庶寮自有悅於多士區區庸鄙倘無譏於候人

為歐陽通讓夏官尚書表 李嶠

非常之恩忽萃庸朽顧匪服而增覲奉如絲而自失臣
通中臣聞思皇多士必求於俊乂惟帝念功不寄於保
庸臣識量凡淺志業空廢乏刀筆之吏能無俎豆之經
術徒以積勞為忝久官成資承日月之末光霑雨露之

弘貸丈二之組每慙於假竊尺一之制更獎於庸微俛
仰慙惶屏營反側夫以天臺峻密帝猷殷曠端揆隆於
八座樞衡總於萬機非夫才賢孰能綜理況周官司馬
有甲兵之職漢服珥貂魚喉舌之任歷觀前載此選尤
難安可以樗櫟散材瓶甗小器比德陳劒差蹤鄭履豈
無慙於謬寵實有懼於妨官今聖歷惟新王化資始天
工其代帝難所急伏願特寢過恩苟求實用塞多幸之
路開至公之道則巨鱗縱壑朝有得賢之頌惟鵜在梁

臣無濫官之責

兵部尚書壁記

杜願

周官大司馬即今兵部尚書屬掌邦國之政以九法封國以九伐正邦以籍我畿以倡我牧弘有萬類阜成兆民訐謨戎馬之事密勿鈞衡之地自我唐受命訖于今居夏官者衆焉或列於台階者蓋寡矣所以任必以親以德以勲以賢穆如清風翼我玄化率惟茲有典用保又有邦二十一年冬十二月詔工部尚書李公典之政

敷以時道濟於物優游學府蔚為祠宗以公族之英受
親賢之寄屬冢宰虛位官吏要才載委天衡是掌邦
理東巡歲夏四月皇帝將崇厥德報厥功乃命再從兄
開府儀同三司持節朔方節度副大使兼禮部尚書上柱
國信安郡王禕禮樂天付衣冠人秀忠以匡濟文以經
綸謀明道高功格化洽昭乃王度簡于帝心九命可以
見其賢四征可以觀其績鎮朔方以無名之討八年而
正虜蕩平攻石堡以不陣之師一旬而戎狄懾服榆關之

役用兵以奇故杖鉞而兵勝大河之戰戎軍以嚴故坐
帷而軍捷建奉常之禮則神人叶上下和從夏卿之政
則萬國平六卿睦辨九州之國知其奸宄同其貫利掌
六馬之物駕理以則講獻以時握五兵之要以辨功理
以待軍事此九職司馬政之所統也王勤政以和是以
戎翰允輯拒旅以蒐舍禽以苗理治以獮大閱以狩此
四田司馬教之所被也王敦教以就禮是以祀典孔明
初則以法示其令也終則以伐明其德也九功惟序九

序惟歌是用陳既往之烈係今來之美以書于屋壁

兵部長貳題名記

周必大

大小司馬著於周官歷代沿革可考也本朝倣唐六典
曰兵部凡民兵廂軍蕃兵剽員武舉投試武藝金吾衛
司人兵及大將出征告廟破賊露布鹵簿字圖若蕃夷
屬戶授官封之事皆主之曰職方凡天下地圖城隍堡
寨烽候之數蕃夷歸明內附之事皆主之曰駕部掌凡
輦輅車乘廐牧雜蕃乘具傳驛之政令辨其出入之數

曰庫部掌凡軍器儀仗鹵簿法式隨軍防城什物及凡
供帳之事是為四司而其主判率用他官所謂長貳姑
以寄祿而已尚書今銀青光祿大夫也侍郎今正議大
夫也位序既高非宰執侍從鮮能至故方任事時自揚
乃職有如歸班猶弗敢替盡規之義名公鉅卿磊落相
望抑有由也元豐肇新官制尚書從二品侍郎從三品
實坐曹治事名稍正矣而武選隸天官兵政歸西府其
職視唐猶簡況於成周乎雖然古號六卿今曰近臣使

其告猷可以沃上心陳力可以大厥官則天下國家將
陰受其賜烏在事之繁簡也若乃自畫于有司視成於
胥吏縱法不爾繩課不爾殿而得無愆乎某五年之間
兩以他官承攝惟亞去秋遂冒真秩恩厚而能薄身勤
而才不逮夙夜以思何愆如之暇日視別部率有壁記
紀前人名氏乃起中興之元逮今五十年得長貳百人
而兼行其事者在焉抵牾疏略有所不免大槩具是矣
元祐二年始置權侍郎從四品明年置權尚書正三品

崇寧改元遵元豐之舊建炎四年復權侍郎紹興八年
又復權尚書而建炎三年嘗詔六曹惟吏部備官餘長
貳互置近歲以來乃或並除損益時也何常之有故具
列于上俾來者得攷觀焉淳熙三年十一月記

青州謝上表

歐陽脩

掌國五兵叨進中臺之秩宣風一面俾綏東土之人祇
荷寵榮徒知殞越臣某

謝中

伏念臣學非通敏材實空疎

幸逢千載之休明誤被三朝之獎擢久陪法從常與

政機國恩未報而身已先衰世塗可畏而命亦多蹇頃
緣災疾遂決退休敢期上惻於皇慈未忍遽捐於舊物
而復過承優渥以慰癯殘惟孤拙之無堪蹈艱危而已
甚世之所榮者臣之所懼人以為寵者臣以為憂是故
輒殫悃悞之誠累黷高明之聽迫於危慮罔避煩辭而
聖度并容寬其罪戾恩言屢降譬以叮嚀知成命之難
回勉覲顏而祇受而況全齊舊壤負海與區民俗富完
而鑿井耕田各安其業詔條寬大而奉法守職足以脩

官內省庸虛奚盼忝幸此蓋伏遇皇帝陛下日新求治
天覆推仁謂簪履雖屬於賤微尚堪收錄而犬馬苟豐
于養猶可使令臣敢不策勵疲羸勤思夙夜無期盡
瘁少荅鴻私

兵部侍郎

歷代沿革兵部侍郎周官夏官小司馬中大夫也漢以
來有尚書侍郎後周依周官隋置兵部侍郎唐因之
龍朔為司戎少常伯光宅中為夏官侍郎後復故舊

制一員正三品總章元年加一員掌武選地圖車馬
甲械之政令凡軍以籍統隸者閱習按試選舉元豐
正名除許將試兵部侍郎自此始也元仍之置兵部

侍郎

羣書要語司馬之職

周禮

祈父之貳夏卿之亞

張九齡為裴光

庭碑入亞六卿共行司馬之法出膺九命俱受元戎之律

伯樂州記

惟茲夏官實掌戎政簡稽調補今方其時司馬貳

卿佐平邦國

白集除柳公綽兵部侍郎制

六卿之亞皆高選也而夏

官實主武事還貳祈父用均爾勞

曲阜除
陳墳制

古今事實

未幾拜相

薛伸字大直為兵部侍郎宣宗雅信愛伸每見咨天下得失伸三起三留曰他日不復對卿矣伸不喻未幾拜相云

仍令知選

盧承慶遷民部侍郎太宗尋令檢校兵部侍郎仍知選

事承慶辭曰選事職在尚書臣今掌之便是越局太宗不許曰朕今信卿卿何不自信也

父子同省

唐崔湜為兵部侍郎父挹為兵部侍郎父子同為南省副貳有唐未有

祖先有勲

唐衛次公為兵部侍郎選人李勣徐有功之孫名在黜中公召而謂曰子之祖先勲在王府豈限常格並優秩

而遣之

能紹祖奕

唐盧元輔端靖介正能紹其祖奕

本傳

故有家風

唐太宗以楊洪禮有文武材擢為兵部侍郎入參機務
出統衆攻戰太宗曰越公兒郎故有家風矣

弘武諷帝

唐楊弘武為司戎少常伯遷西臺帝嘗謂曰爾在戎司

授官多非其才何耶弘武曰臣妻剛悍此其所屬不敢
違以諷帝用后言帝笑不罪

韋澳論諫

唐韋澳遷兵部侍郎與同寮蕭寘深為宣宗所遇每二
人同直無不召見詢訪時政有邦國刑政大事中使傳
宣草詞澳心欲論諫却曰此一事須降御札方敢施行
遲留至旦必論其可否上旨多從之

條奏八事

宋許將入為兵部侍郎條奏八事以為兵之事有三曰
禁兵曰廂兵曰民兵馬之事有三曰養馬曰市馬曰牧
馬兵器之事有二曰繕作曰給用

東都
事畧

首奏四事

宋周文忠公權兵部侍郎首奏四事曰重侍從增臺諫
擇監司郡守久任監司郡守上曰皆今日要務也

言行
錄

手畫形牒

宋王敏節庶為兵部侍郎對便殿口陳手畫秦隴形牒

利害上大喜即日遷兵部尚書

密言恢復

宋周簡惠公癸除兵部侍郎完顏亮斃張公自督府來朝密言恢復公請對謂不可輕舉累數千言上唯唯五月敗書聞上思公言以左中大夫叅知政事

力詆和議

宋兵部侍郎張燾力詆拜詔之議秦檜患之燾託疾在告檜使樓炤諭之曰北扉闕人上欲以公為直院宜早

出燾大駭曰愈不敢出矣若使草國書豈能曲徇意旨哉燾嘗思之不過一去檜不能奪遂止

氣折羣醜

宋李文敏公邴召為兵部侍郎苗劉反露及宮門上登樓撫諭公亟趨前叱苗劉等允燄稍息公扣宰相朱昧非問計策傳等皆在公反覆鐫詰人為公危公無懼色太后垂簾昧非奏變故以來能助朝廷者惟李邴鄭穀乃除公翰林學士上賜親札略曰卿毅然正辭氣折羣

醜萬衆動色具在醜顏

古今文集

雜著

上兵部李侍郎書

韓愈

十二月九日將仕郎守江陵府法曹叅軍韓愈謹上書
侍郎閣下愈少鄙鈍於時事都不通曉家貧不足以自
活應舉覓官凡二十年矣薄命不幸動遭讒謗進寸退
尺卒無所成性本好文學因困厄悲愁無所告語遂得

究窮於經傳史記百家之說沈潛乎訓義反覆乎句讀
龍磨乎事業而奮發乎文章凡自唐虞已來編簡所
存大之為河海高之為山嶽明之為日月幽之為鬼神
織之為珠璣華實變之為雷霆風雨奇辭奧旨靡不通
達惟是鄙鈍不通曉於時事學成而道益窮年老而身
益困私自憐悼悔其初心髮禿齒豁不見知己夫牛角之
歌辭鄙而義拙堂下之言不書於傳記齊桓舉以相國
叔向攜手以上然則非言之難為聽而識之者難遇也

伏以閣下內仁而外義行高而德鉅尚賢而與能哀窮而悼屈自江而西既化而行矣今者入守內職為朝廷大臣當天子新即位汲汲於理化之日出言舉事宜必施設既有聽之之明又有振之之力甯戚之歌駿明之言不發於左右則後而失其時矣謹獻舊文一卷扶樹教道有所明白南行詩一卷舒憂娛悲雜以瑣恠之言時俗之好所以諷於口而聽於耳也如賜覽觀亦有可采干黷嚴尊伏增惶恐愈再拜

辭免兵部侍郎奏狀

周必大

褒遷過分震懼靡寧臣竊以本朝置侍從官特異前代
蓋欲其精白一心論思獻納增重王國非專使治有司
之事而已自元豐改官制雖稍循周唐舊典分治六曹
然班列浸高職業猶簡委用之意夫豈徒然若時夏官
尤號清選臣以凡庸之資荷特達之知五年之間兩兼
攝貳畧無補報有玷周行至於寓直禁林執經崇政最
為華近今悉冒居陛下虛心以求議論而臣喑無一言

陛下勵精以集事功而臣懦不舉職尚寬汰斥已是保全復用何名更叨真拜而況早來奏對之際備聞天獎雖未披於心腹已灼知其肺肝伏望聖朝矜其自量非敢飾避特反惟行之令誓堅圖報之心

謝兵部侍郎兼直學士院表 周必大

通班內閣已塵次對之華列屬中臺復冒亞卿之寵申命鑾坡之直增光禁路之游稽首拜嘉省躬知愧臣某
中謝臣竊以司戎任重視草才難自非文武之兼資曷副

國家之選簡歷考正元而後惟陸贄衛次公之並充載
稽南渡以來有汪藻綦室禮之故事如臣末學難企前
修徒夙幸於遭逢獲徧儀於清要愚忝倥侗之性每
辱照知荒唐唐駢散之詞數蒙嘉獎首尾纔經於五載攝
承兩贊於七兵未嘗明久假之心矧敢覲為真之命橫
黃金之帶驟拜新榮上白玉之堂更仍舊貫大恩所被
小已奚堪此蓋伏遇皇帝陛下剛健時行緝熙日就運
堯帝之德而奄有四海方懋乃聖乃神之功立周王之

政而灼見俊心不輕常伯常任之選孰云儒綏叨此詔
除況資翰墨之所長尤匪疲駑之可稱臣敢不竭其忠
蓋濟以靖共體元豐肇正於官名願效論思之實念開
寶初增於禁直勉圖潤色之工萬分可酬九殞何憚

謝除兵部侍郎表

汪藻

東省瘵官方祈病免中臺分職乃誤優遷資逢世以非
宜寵逾涯而益懼謝中伏念臣江湖遐裔章句小儒材不

過庸僅及下中之品學雖忘老安知左右之原偶陪多

士之遊幸備公朝之選徧誇清貫遂綴邇聯旋遭值於
干戈獲奉承於羈勒才因事見初無橫草之功裁與衰
期乃有負薪之疾屢投誠於魏闕將歸卧於漳濱猥蒙
內史之書俾貳文昌之秩戎昭所繫儒綬奚堪茲蓋伏
遇皇帝陛下睿智有臨憂勤無逸光復祖宗之舊既已
配天兼收文武之長未嘗愒日惟臣瑣質負國明恩竭
股肱之力而徒有此心譬腹背之毛而何裨於用耗縻
廩食羞愧神明不辭勉效於秋毫顧恐溘先於朝露周

六典治戎之職雖幸叨居漢九卿賜告之恩終期得請

兵部郎中

歷代沿革周官大司馬屬官有軍司馬下大夫蓋郎中之任也魏有五兵郎曹晉有七兵皆置郎中宋有中兵外兵騎兵後省騎兵齊因之梁陳有左右中兵左右外兵騎兵郎曹皆置侍郎亦郎中任也後魏因梁陳舊隋初為兵部侍郎又改兵曹郎唐武德改兵部郎中龍朔改司戎大夫咸亨光宅神龍隨曹改復宋

初除潘良器本曹所治之事郎中負外郎叅掌之建

炎三年併省冗職以兵部郎中兼職方元置兵部郎

中

羣書要語既忝夏官之屬

元和制誥

夏官之劇既叅戎事之

殷 擢受五兵之部

司武之屬重于文昌

並同上

七

兵之曹郎吏之選甚寵

南豐潘良器制

姑寵七兵之秩用服

一臺之華

胡文恭公弼制

外兵之負

郭輔制

夏卿首曹中臺妙

選

張鼎制

往踐五兵之屬

公是行周思永制

兵部郎中二負一在侍從

不居外省

元微之行
揚嗣復制

古今事實

奏決若流

姚崇為夏官郎中契丹擾河北兵檄叢進崇奏決若流
武后賢之拜侍郎

公務脩整

唐裴光庭轉兵部郎中既歷清要人未之許及在職公
務脩整衆皆嘆服

所歷有聲

唐盧奭懷慎之子與兄渙齊名開元中任京兆司錄叅軍天寶初為鄂縣令進兵部郎中所歷有聲皆如渙之所治也

吏幹有稱

李愷驟歷兵部郎中愷有吏幹明於几案甚有當官之稱

掌判帳判簿

唐兵部郎中二員一員掌判帳及天下武官之階品衛
府之名數一員掌判簿以總軍戎差遣之名數

唐制

掌勲官簿書

掌武職勲官二衙及兵士簿書朝集祿賜假告差發武
職告身事

掌告身令

蕭愿梁宰相傾之子性淳謹承事父母未嘗不束帶而
見然嗜酒無節職事弛慢為兵部郎中日掌告身印

覃恩之次頗急職事父傾為吏部尚書代愿視印篆其

散率如此

五代史

兵部員外郎

歷代沿革周官大司馬屬官有司輿司馬上士後周依
焉蓋員外郎之任也隋開皇六年置兵部員外郎煬
帝改兵曹承務郎唐改兵部員外郎龍朔三年改司
戎員外郎咸亨光宅神龍隨曹改復宋諸司員外郎
正七品兵部本曹所治之事員外郎叅掌之元仍唐

宋舊置兵部員外郎

羣書要語員外郎二人一人掌貢舉及雜請之事凡應舉之人有謀略才藝平射筒射皆待命以舉若州府歲貢皆勘責文狀而引試焉一人掌選院謂之南選曹每歲選人有解狀簿書資歷考課必由之以覈其實乃上

三銓進用則書焉

六典

古今事實

嘉貞詳決

唐張嘉貞為兵部員外郎時功狀盈几郎吏不能決嘉貞為詳處不閱旬庭無稽牒

正倫賢者

唐魏徵薦杜正倫擢兵部員外郎太宗勞之曰朕舉賢者非朕獨私以能益百姓也

唐書

古今文集

雜著

兵部郎官題名記

周必大

本朝除郎之路雖廣而其要有三館閣一也寺監丞二也監司郡守三也近歲室其二卿監或可徑至而郎非歷監司郡守不可得其不輕而重也較然矣司馬列屬四中興初僅當備官建炎三年夏始以駕魚庫以兵魚職方其選清故平居無事多處文學之臣其權重故從軍若將命則往往假以為寵此其大略也隆興改元之五月復裁內外官於是駕部又當省而郎適贊讀王府有詔聽留需其遷勿補厥後間嘗並置要為有故而一

負之制定矣某既與聞夏官之政乃刻長貳題名會同
舍郎亦告石具以辭見屬老矣不文咕嚕莫能措姑效
掌故彙前人名氏且粗記其因革云淳熙三年十二月
十日周某記

兵部分掌

儀仗

舊庫部

歷代沿革周禮夏官有司甲下大夫為司戈盾弓矢之
長各辨其物以待軍事皆庫部之任也魏始置庫部

郎晉以後有郎中後周有小武藏大夫隋初為庫部
侍郎煬帝為承務唐龍朔改司庫大夫咸亨復又為
庫部貞外郎龍朔以來隨曹改復六典宋駕庫二部皆
無所掌建炎中以駕部兼領元兵部令史分掌名頭

羣書要語

闕

古今事實

掌戎器

唐庫部郎中貞外郎掌戎器鹵簿儀仗

皆有美譽

唐陸象先弟景倩景融景獻景裔歷河南令庫部郎中皆有美譽僧一行少時與象先兄弟相善嘗謂人曰陸氏兄弟皆有才行古之荀陳無以加也甚為當時所稱示有止足

唐孔若思明經舉遷庫部郎中若思嘗謂人曰仕至郎中足矣至是持一石水滿於坐右以示有止足之意

固辭不拜

宋江智深元嘉末除庫部郎中時高流官序不為臺郎
智深門孤援寡獨有此選意甚不悅固辭不拜

詭對稱善

宋文帝宴會有荒外歸化人在坐帝問尚書庫部郎中
顧琛曰庫內仗有幾許琛詭對曰有十萬人仗舊武庫
仗多秘不言帝既問悔失言及琛詭對對善之

古今文集

排律

寄贈庫部王郎中

盧綸

諤諤漢名臣從天令若春
叙辭皆詔旨稱官即星辰
草木承風偃雲雷施澤均
威懲治粟尉恩洽讓田人
泉貨方將散京坻自此陳
五營俱益竈千里不停輪
未遠金門籍旋清玉塞塵
碩儒推慶重良友頌功頻
鶴髮逢新鏡龍門躍舊鱗
荷君偏有問深感浩難申

兵部分掌

紫慢置鋪驛走遞馬數
承發司文字
車輅合給牌劉廐牧

舊駕部

歷代沿革周春夏官屬有輿司馬有校人主馬之官有牧師掌牧放有巾車掌公車之政及王之五輅皆駕部之任也魏晉尚書有駕部郎宋駕部屬左民尚書齊因之後魏與北齊並曰駕部郎中隋曰侍郎屬兵部唐龍朔改司輿大夫咸亨復故天寶中改司駕至德復故宋駕部司事一人以無職事朝官充輿轅車車乘隸於太僕傳驛給受一出於樞密院廐牧之政總

於羣牧司本司無所掌元豐改制郎中負外郎始實
行本司事叅掌輿輦車馬驛置廐牧之事大禮則
戒有司具五輅凡奉使之官赴闕視其官職及所治事
給馬如格官文書則量其遲速附馬步急遞應內外監
牧租入多寡孳產登耗皆檢察焉建炎三年以駕部
兼庫部復併太僕寺歸駕部紹興元年復裁內外
官於是駕部又當省而郎適贊讀王府有詔聽留需
其遷勿補厥後間或一置而一負之制定矣元因之

兵部令史分掌名頭無專曹官

羣書要語夏官輿司馬

周禮

擢司輿馬之政

初寮除李倫制

輿馬

輦乘之奉郵驛圍牧之治中臺要務主以郎官

南豐擬制

甲

胄弓矢之器乘輿鹵簿之式武藏之任郎選甚高

南豐駕郎

兼庫

部制

詩句幽閒靜境別無事惟有南宮老駕兄

白居易贈駕郎吳郎中

古今事實

孝昭閱簿

北齊馮子琮為駕部郎中攝庫部孝昭帝曾閱簿領試
令口陳子琮闇對無有遺失分記

楊素拊床

李靖在隋為駕部員外郎左僕射楊素拊床謂曰卿終
當坐此

公義竭忠

隋辛公義為駕部郎勾檢馬牧所獲十餘萬匹帝嘉曰
惟我公義奉國竭忠

通典

元亮清謹

崔元亮字晦叔為駕部員外郎清謹介特澹如也

本傳

如處美官

唐畢緘字存之為駕部員外郎故事勢要家人以倉駕

二曹為辱緘澹然如處美官

本傳互見倉部

不博前行

中行刑戶不博前行駕部

唐國史補

古今文集

律詩

駕部鄭郎中三十八丈尹貳東周榮加金紫谷
以末派之外恩舊事深因賀送 鄭谷

香浮玉陛曉辭天袍拂蒲茸稱少年郎署轉曹雖久次
京河亞尹是優賢縱游雲水無公事貴買琴書有俸錢
今日龍門看松雪探春明日向平泉

古今事文類聚新集卷十四

欽定四庫全書

古今事文類聚新集卷十五

元 富大用 撰

六曹部

刑部尚書

歷代沿革刑部尚書周之秋官卿也漢成帝時尚書初
置二千石曹主郡國二千石又置三公曹主斷獄光
武改三公曹主考課二千石曹掌中都官水火盜賊

辭訟罪法晉初依漢置三公尚書掌刑獄太康中省三公尚書以吏部尚書兼領刑獄宋始置都官尚書皆掌刑獄後魏北齊皆置都官尚書後周置大司寇卿隋初曰都官尚書開皇三年改為刑部唐龍朔二年改司刑太常伯咸亨復故武后改為秋官尚書神龍元年復天寶改司憲至德復宋刑部尚書侍郎郎中止為階官尚書掌天下刑獄之政令而侍郎郎中負外郎分治其事元刑部掌律令格式審定刑名奴

婢配隸關津讖禁城門啓閉之事置令史分掌名頭
以尚書為長

羣書要語五曰秋官其屬六十掌邦刑

周禮

司寇蕪公式

敬爾由獄以長我王國

書立政

司寇掌邦政詰奸慝刑暴

亂

周官

乃立秋官司寇使帥其屬而掌邦禁以佐王刑邦

國

周禮

大司寇之職掌建邦之三典以佐王刑邦國詰四

方

同上

司寇正刑明辟以聽獄訟聽之於棘木之下以獄

之成告于王

記王制

大司寇以其成從質於天子

同上

莒太

子僕來奔季文子使司寇出諸竟左傳子為司寇將盜是

務去 與鳩氏司寇也並同上 弼我五教掌茲三典常案制

掌其三典詰彼四方記室新書 超同秋典顏魯公集 設官分職以

司臬事中興題名 秋官古卿南豐擬制 中臺八座典司邦禁同丹上

筆平刑爰副一人之欽恤賡奏類 淑問之臣掌秋官曲阜制

秋卿恤刑事無枉撓又云紹蔽芾於謳謠畫例成於法

理唐大詔 令國之二柄在德與刑邦之三典惟清與慎大舜

有欽恤之言穆王有哀矜之教與鳩之為司寇務在澤

人臯陶之作士師期於致理

張鷟云

古今事實

不前僧肩

梁羊侃為都官尚書宦者張僧肩候侃侃曰我牀非闔人所坐竟不前之時論美其貞正

梁書

不屈仙客

唐崔隱甫潔介自守以強正稱為刑部尚書帝欲相之也曰牛仙客可與語卿常見否曰未也帝曰可見之

隱甫終不詣他日又問對如初帝乃不用贊曰嚴挺之拒宰相不肯見李林甫崔隱甫違詔不屈牛仙客信剛者乎二人坐是皆不得相彼亦各申其志也

唐崔隱甫傳

覆獄欵款

唐劉祥道遷司刑太常伯每覆大獄必欵款累歎奏決之日為之不食

上疏激切

唐顏真卿為檢校刑書永泰中元載引用私黨請百官

凡欲論事必先白長官長官白宰相然後聞奏真卿上
疏曰天寶後李林甫威權日盛羣臣不先咨宰相輒奏
事不過託以他故中傷猶不敢明約百司令先白宰相
如今日之事曠古未有陛下不覺悟漸成孤立矣其激
切如此於是中人爭寫內本布於外

屈突固辭

屈突通為刑書自以不習文固辭改工部

並唐書

隱甫自守

見上注

庭無留事

李適之拜刑書夜則宴賞晝決公務庭無留事

本傳

刑斷減死

唐柳公綽為刑部尚書京兆人有姑鞭婦至死者府斷以償死公綽議曰尊毀卑非鬪且其子在以妻而戮其母非教也竟得減死

領羽林監

梁元帝以沈重領江陵遷都官尚書領羽林監又令於

合歡殿講周禮

後周書

息官省妖

宋徐孝先為都官尚書自晉以來尚書寮皆攜家屬居省省在臺城內下舍門中有閣道東西跨路通於朝堂其第一即都官省西抵閣道年代久遠多有鬼恠每夜昏之際無故有聲光或見人著衣冠從中出尚書周確卒於此省孝先代確即居之經兩載妖變皆息時人咸以為真正所致

建議違制

宋王文正公曾在審刑日建議違制親被乃坐罪未幾
外郡有以具獄讞聞章聖俾以違制坐之公以制非親
被請從違失上可其奏

言行錄

疑獄聽讞

宋燕肅字穆之知審刑院先是天下疑獄雖聽奏而州
郡懼得罪不敢讞故冤獄常多肅建請諸路疑獄皆聽
讞有不當者釋其罪自是全活者衆

東都事畧

議盜殺同黨法

宋韓忠獻琦知審院先是盜殺同黨既自己就捕例不抵死公曰此但并有其資或就滅其口非有自新改過之心無足矜者請更議其法乃詔盜殺其徒而不首者毋得原

奏刑不上大夫

宋蘓頌字子容神宗朝知審刑院知金州張仲宣受財枉法抵死法官援前比貸死杖脊黥配海島公奏古者

刑不上大夫今刑為徒隸恐汙辱衣冠耳仲宣由是得免杖黥止流海外自是命官刑無杖黥者

古今文集

雜著

與鳳翔刑部尚書書

韓愈

今閣下為王爪牙為國藩垣威行如秋仁行如春戎狄棄甲而遠遁朝廷高枕而不虞是豈負大丈夫平生之志願哉豈負明天子非常之顧遇哉赫赫乎沈沈乎功

業逐日以新名聲隨風而流宜乎謹呼海隅高談之士
奔走天下慕義之人使或願馳一傳或願操一戈納君
於唐虞收地於河湟然而未至乎是者蓋亦有說云豈
非待士之道未甚厚遇士之禮未甚優請粗言其事閤
下試詳而聽之夫士之來也必有求於閤下夫以貧賤
而求於富貴正其宜也閤下之財不可以徧施於天下
在擇其人之賢愚而厚薄等級之可也假如賢者至閤
下乃一見之愚者至不得見焉則賢者莫不至而愚者

日遠矣假如愚者至閣下以千金與之賢者至亦以千金與之則愚者莫不至而賢者日遠矣欲求得士之道盡於此而已欲求士之賢愚在於精鑒博采之而已精鑒於已固已得其十七八矣又博采於人百無一二遺者焉若果能是道愈見天下之竹帛不足書閣下之功德天下之金石不足頌閣下之形容矣

謝刑部尚書表

歐陽脩

職清書殿寔為儒者之榮望峻天臺仍忝刑官之重內

循謹薄仰玷光華臣某

謝中

伏念臣質稟迂愚粗知業履

因時幸會遂竊寵榮無拾遺補闕之勤常陪法從非
大冊高文之手久廁翰林晚綴宰寮俾聞國論荷三朝之
眷遇每察懦衷幸四海之清平得容尸祿居滿盈而不
戒積災釁以自貽屬聖統之嗣興赫皇明而繼照誣言
詰服已大釋於羣疑危跡保全俾不虧於素守犬馬盡
思於報效桑榆奈迫於衰遲屢貢悃私上千聰睿遂蒙
開允俾解繁機然而晚節餘生本期避寵清資顯秩益

更貪榮被優渥之非常但凌兢而失措此盖伏遇皇帝
陛下聖神御極亨育推仁閔孤拙之勢危無容自立謂
疲駑之力竭難責遠圖曲軫至慈俯從誠請仍憐舊物
特示殊恩顧非木石之頑宜識乾坤之造颯然素領雖
難強於筋骸皎若丹心尤自期於塵露

辭免除權刑部尚書狀

吳永叔

臣欽聞出綍愧若踐氷伏念某蜀之鄙人亡所肖似自
為青袍朝士已閱九年及玷碧落侍臣亦幾三載制

詞共千百篇而經濟少奏對凡十八疏而獻納疎聖恩
重於丘山臣報微於毫髮蓋嘗以疾病之遭連而請外以
鄉邦之顛覆而丐祠謂天蓋高曾是莫聽乃徑從於小
宰遂晉長於秋卿華以一遷重於再命載念士官之所
掌寔於國脉而相關舜不賴皋陶之明何以布好生之
德周不得蘓公之敬安能審用罰之中必惟良臣始稱
公選若冒司於臬事恐紛致於人言欲望陛下矜察愚
衷收回成渙量能授職亟改畀於時髦敕法清刑庶共

登於漢道小臣獲免曠官之刺陛下不失知人之明

第二辭免

吳永叔

臣聞才為造物之所珍名者道家之深忌二陸以吳中之秀入洛官纔盛而毀來兩蘇以西州之彥同朝位益高而謗起矧不令之兄弟亡前脩之典刑而臣搞詞玉堂簪筆荷橐職親地禁終日不離文字之間選妙秩清羣才半入銓衡之下雉不能於鏹采龜不解於韜靈致彼胥讒納之危竄每荷陛下保全之力寔如皇天生育

之仁曾未報於隆恩廼復叨於異擢亟騰免牘以俟俞
音盼春詔之十行雖荷褒嘉之寵掌秋官之三典終
非克審之才敢遜忠賢庶安愚分

第三辭免

吳永叔

竊謂文昌高於法從憲部重於諸曹訟牒滋繁非庸
敏之才不足以剖析情偽刑章紛委非諳通之識不足以
分別科條如某漫學綴文未閑讀律使之討論潤色尚
能奏薄技於詞林若曰糾禁議詢何以宅嘉師於王國

倘非遜避恐速顛躋伏望朝廷察其被寵之若驚諒其
控辭之非偽為數陳於九陛庶畢達於孤忠俾守舊官
亟回新命

刑部侍郎

歷代沿革周之秋官小司寇中大夫也漢以來尚書侍郎
後周依周官隋煬帝置刑部侍郎唐因之龍朔改為
司刑少常伯光宅中為秋官侍郎天寶中為憲部侍
郎掌律令刑法覆按大理及諸司應奏之事宋元

豐正名除大理卿崔台符為之元仍唐宋舊置刑部侍郎

羣書要語小司寇之職掌外朝之政以致萬民而詢焉

周禮周之秋官小司寇中大夫也六典擢亞秋官韓文貳于刑

讞劉瓛秋官亞卿曲阜制秋卿之貳佐平邦憲類要秩貳

秋官參執邦典南豐擬制俾踐白雲之司裴敦復制當宣室受讞

之際思滿堂飲酒之言杜牧行李從誨制予曰罪爾勿罪予曰

寬爾勿寬同上小司寇之職以五聽聽獄訟求民情一曰

辭聽二曰色聽三曰氣聽四曰耳聽五曰目聽

周禮以八

辟麗邦法附刑罰一曰議政之辟二曰議故之辟三曰

議賢之辟四曰議能之辟五曰議功之辟六曰議勤之

辟七曰議貴之辟八曰議賓之辟

同

刑部侍郎一員掌

天下刑法及徒隸勾覆關禁之政令其屬有四總其職

務行其制命凡中外咸質正焉

唐職官制

唐有大獄即命御

史中丞刑部侍郎大理卿充謂之大三司使

唐職林

古今事實

東之相才

狄仁傑薦張柬之宰相才召為洛州司馬仁傑曰臣薦宰相而為司馬非也乃授司刑少卿遷秋官侍郎

張柬之傳

棲楚宣授

寶厯初宣中書以諫議大夫劉棲楚為刑侍丞郎宣授

自此始

唐書

劉瑒統類

劉瑒轉刑侍精於法律選制勅可用者議其輕重成一

家書號大中統類奏行之

王播格條

王播轉刑侍精於法律法寺議讞科條繁雜播備舉格條置之座右凡有詳決疾速如神僚屬歎服

道裕言當

唐太宗時刑部侍郎有闕令執政妙擇其人奏皆不可太宗曰朕得其人矣往昔李道裕議張亮云反形未具此言當矣雖不即從至今追悔遂授道裕

韓愈表諫

韓愈為刑侍憲宗遣使鳳翔迎佛骨入禁中愈上表極諫

請輕亡珠罪

宋呂公孺字稚卿元祐初為刑侍原廟亡珠繫治甚久
公孺言殿中主者不一前後代者未嘗以服御相授且
諱日宮嬪往還不一有所亡豈可指意吏卒獄雖具顧
非聖裁不可上深以為然

國史本傳

奏斥伶人戲

元祐中駕幸凝祥池宴從臣伶人以先聖為戲刑部侍郎孔宗翰奏唐文宗時嘗有為此戲者詔斥去之今豈宜有此詔付伶官于理

澠水燕談

論執殺人獄

初刑部有刼殺人獄侍郎彭汝勵引例乞加貸配執政不以為是降特旨皆殺之汝勵執不可

長編

平反遷官

范百祿字功父除刑部侍郎有以強盜及故殺鬪殺情可矜者獻于朝法官援例貸免司馬光曰殺人不死則法廢矣百祿曰謂之殺人則可制刑而以為不疑原情而以為無可憫則不可百祿在刑部用法多所平反遷

吏部侍郎

東都事畧

平反被賜

陳魯公康伯謚文正兼刑部侍郎前此有司專用權臣風旨為獄重輕公平反之故家多被其賜

言行錄

平反辭賞

張文忠公九成兼刑侍一日法寺以成案上大辟公閱
首末得其情因請覆實囚果誣服者也奏黜之時法
官抵罰而朝論欲以為賞公辭曰職在詳刑而賣衆以

邀賞可乎

言行錄

古今文集

雜著

崔嶧刑部侍郎致仕誥

王安石

仕焉而告老者自一命以上必有以慰其歸況吾通臣
恩紀所厚宜增位序以示褒優以爾具官某比以明揚
久於煩使入叅侍從出備藩維踐更滋多寄屬惟允引
年辭位得禮之宜進貳秋卿以榮居息古之士者非苟自
秩其身唯慎行祇法以助成王德爾所知也往其懋哉

刑部郎中

歷代沿革周禮大司寇屬官有士師下大夫蓋郎中之
任也漢尚書有三公曹後漢有二千石曹魏有都官

曹皆掌刑法獄訟之事晉宋齊並以三公郎曹掌刑法置郎中一人隋初省三公曹置刑部曹掌刑法置侍郎一人唐因之武德改刑部郎中龍朔改司刑大夫咸亨光宅神龍並隨曹復改宋元豐正名初除胡瑗杜紘建炎詔刑郎以二員為額紹興詔見任郎官依元豐舊法分左右廳治事從右司汪應辰之請也元仍唐宋舊置刑部郎中

羣書要語周禮大司寇屬官有士師下大夫蓋郎中之

任也

六典

宜正秋臺之聯進丞郎資之務

胡文恭
奏詢制

刑者所

以助治聖人尤謹中臺叅綜郎選甚高

南豐除韓
晉卿制

丹筆

議刑國網作重白雲司職人命是懸

牋表
類

古今事實

充定律令

魏有定科郎晉賈充定律令以裴楷為之

職
類

韓決奏讞

宋韓晉卿擢刑部郎中天下大辟請讞執政以為煩將

劾不應讞者晉卿適白事省中因曰讞不至矣議者欲天下獄悉從奏決晉卿曰恐罪人之死於獄多於伏辜者皆從之

長編

刑部員外郎

歷代沿革周禮大司寇屬官有上士後周依之蓋員外之任也隋開皇六年置刑部員外郎煬帝改憲部承務郎唐因之武德三年改刑部員外郎咸亨光宅神龍並隨曹改復宋因之元仍唐宋舊置刑部員外郎

二人

羣書要語郎中員外郎掌律法按覆大理及天下奏讞

為尚書侍郎之貳

唐書

亟則失情緩則留獄深則碍恕縱

則生奸惟是四者持刑之權

元稹馮宿刑部負外制

古今事實

小三司使

唐有大獄以刑部員外郎御史大夫大理寺官為之以

決疑謂之小三司使

職林

第一課最

韋夏卿以課最第一轉長安令改刑部員外郎

分紀

守法不撓

唐杜景佺為刑部員外郎守法不撓

本傳

遺直何加

令狐峘大歷中為刑部員外郎上疏諫山陵事詔荅曰

古之遺直何以加焉

本傳

又請小秩

杜牧頃於宰執求小儀不遂請小秩又不遂

尚書故實

可當是選

侍御史王鎰自居殿中能察非法連鞠庶獄多協平允
加以溫敏靜專可當是選一歲之獄決在秋冬今方其

時宜敬乃職

白居易任鎰
刑部員外制

秩進知州

至道初張昱為刑部員外郎西川安撫奏望授昱諸司
使知雅州上以省郎之重不欲換他職故進秩加賜令

服而遣

例藏刑部

元祐元年三省言中書置刑房檢例官從之獨刑部負
外郎劉賡上疏言元豐官制以例藏刑部可比則取鈔
不可則取旨今非故事詔如所請而例復藏刑部自是
中外奏獻無所避矣

九朝通畧

刑部分掌

關津機察
城門啟閉

舊司門

歷代沿革周禮大司徒屬官有司門上士司門下大夫
後周依周官有小司門隋開皇置司門侍郎煬帝去
侍字又置負外郎又改承務郎唐因之加中字龍朔
改司門大夫咸亨復宋因之元刑部令史分掌名頭
無專曹官

羣書要語司門掌授管鍵以啓閉國門

周禮

古今事實

掌出入闡遺

郎中負外郎掌門關出入之籍及闌遺之物

唐書

又掌門

籍關棧及道路所闌遺之事

古今文集

雜著

司馬廳壁記

任希夷

門關之設尚矣在周為司門在漢其名不一曰戶郎曰
門候皆其任也宋朝監省門用內三品元豐中裕陵聖
訓內侍者以內與外庭臣僚無交際得以盡情譏察爰

自中興駐蹕臨安三省樞密院俱列皇城之內外侍不時至則叅之小使臣人微官薄不足以誰何嘉定六年秋始用諫議大夫增置監門官一員以京朝宰邑有治理效者為之初奉命議郎前知嚴州淳安縣楊恕而內侍由為譏察遵舊制也于時政事之府更葺一新堂宇崇成體勢隆峻嚴嚴翼翼輪焉奐焉至於門廡衍徑而莫不斥而大之氣象豐美過者祇肅于是更置專官以重其任蓋將謹命令所出之原尊朝廷無競之勢肅于外

者若是則嚴乎中者可知施于下者若是則發乎上者
又可知矣居是職者不可思之以稱上旨歟或以語楊
君曰旰食退朝飛蓋來下袞繡焜煌車騎雜襲呵道告
門先聲震疊又凡出入于斯多達官顯人從以蒼頭廬
兒謹譁旁午不特御者洋洋而已司門之官逡巡跼蹐
兩廡之側其於伺察也不亦難乎又將不有以動其中
乎則告之曰昔蕭望之射策甲科尚為小苑東門候仲
翁以抱關譏之荅以各從其志其後卒為漢名傳蓋一命


以上皆有常職所當盡吾事而已奚有於他慕哉揚君
勉之併以告諸來者

司門負外郎壁記

權德輿

周官司門為司徒之屬今為司冠之屬負外郎於周為
上士後數更其名至隋為承務郎武德初方定為今制
秩從六品上士凡自漢魏以還典曹理事雖時有汙崇
官有輕重或百職耗廢雜而多端而郎位皦然未常有
鹵莽進越非其任者蓋宗公貴事多由此塗出所以儲

時才練官業必於是焉方今車書尉候通道旁午而斯任由劇彭城仲子陵脩詞以筮仕說經有師道自博士祠部郎稍遷于茲且以南輟銓藻之勤久次而後至循性自牧闇然君子之道也況大雅之匪懈孔門之政事古誼家法久於講貫遵脩砥礪其可量邪至若門關出入之籍設險閉邪之義譏而不征守而不紊列在令典端如貫珠故可畧於此仲侯以故志屋壁之隙欲壞磨滅使鄙夫書而補之貞元辛巳歲夏六月記



古今事文類聚新集卷十五

欽定四庫全書

子部

古今事文類聚新集卷十六

詳校官中書臣孫衡

侍讀臣孫球覆勘

總校官編修臣王燕緒

校對官中書臣王家賓

謄錄監生臣范鐘

欽定四庫全書

古今事文類聚新集卷十六

元 富大用 撰

六曹部

工部尚書

歷代沿革周之冬官卿也漢成帝初置尚書有民曹主吏人上書光武改民曹主繕修功作鹽池園苑事魏置左民尚書晉宋有起部尚書後周有冬官大司空

卿掌五材九範之法隋有工部尚書唐因之龍朔改
為司平咸亨復武后改為冬官神龍復摠判工部屯
田虞部水部事宋工部判部事一人以兩制以上充
凡城池土木工役皆隸三司修造案本曹無所掌元
豐官制行尚書工部掌天下城池宮室舟車器械符
印錢寶之事百工山澤溝洫屯田之政令是時尚書
猶未除人紹興三年併少府監歸工部以文思院屬
馬

按文思院舊屬少府監至是以少府監併
於工部故文思院監官乃令工部辟差

元工部

掌修造營建法式諸作工匠屯田山林川澤之禁江河隄岸道路橋梁之事置令史分掌名頭以尚書為長

羣書要語六曰冬官其屬六十掌邦事

周禮

舜曰咨四岳

有能奮庸熙帝之載使宅百揆亮采惠疇僉曰伯禹作

司空

書舜典

帝曰疇若予工僉曰垂哉帝曰俞咨垂汝共

工

同上

宏父定辟注宏父司空

酒誥

司空掌邦土居四民時

地利

周官

六職百工與居一焉

周禮

審曲面勢以飭五材以

辨民器謂之百工

同上

鳩氏司空也

左傳

五雉為五工正

同上國有六職百工與居一焉

禮考工記

程品之重有若百工

號令之先尤難六職

唐太

冬卿常伯

楊億代謝表

中臺起曹

訓匠建事

南豐擬制

尚書漢公卿也言動可否屬人耳目固

不專於率四屬程百工修位於冬官而已

白集韋晉之制

平百

官之上書飭五材以辨器非國之髦碩詳於典制則不

可以綜事訓工建明理本也

常集

五材是宜百工惟敘城

郭都鄙定其規士農工商得其所

記室新書

古今事實

職在司空

唐張鷟位當玄武之官職在司空之任虞舜之代伯禹
統其班周成之朝毛公處其地

代為八座

唐閻立本代兄立德為工部尚書兄弟相代為八座時
人榮之

長孫稱職

長孫平為工部尚書名為稱職

隋書

大義剛烈

李大義為工書性忠謹外若不能言而內剛烈不可干
非其義

甚著勞績

鄭善果為工部尚書正身奉法甚著勞績

唐新語

不治產業

于休烈為工部尚書不治產業樂賢下善推轂士甚衆

並唐書

創軍國器

陳從易為起部尚書巧思過人軍國器械多所創立

陳書

構太極殿

初侯景二年殿被焚承聖中議營之獨欠一柱至陳高祖時忽有樟木大十八圍長四丈五尺流泊陶家後監軍鄒子度以聞詔中書令沈衆兼起部尚書構太極殿

請斥佞人

宋元符三年曾布之相也御史中丞豐稷欲率臺屬論之遂遷稷工部尚書稷力丐補外不允謝表有內侍已成於怨府佞人方剡於奏章之語上問佞人為誰曰曾布陛下斥布則天下事定矣

編年
簡要

召訪政事

張忠簡公聞擢工部尚書兼侍讀初上用真宗故事命經筵官二員遞學士院朝夕宣召商榷古今諮訪政事公入對尤數知無不言屢引疾丐間上曰朕所以知外

事皆賴尚書工部一書相從久忍言去邪

古今文集

雜著

送工部鄭尚書序

韓愈

嶺之南其州七十其二十二隸嶺南節度府其四十餘
分四府府各置帥然獨嶺南節度為大府大府始至四
府必使其佐啓聞起居謝守地不得即賀以為禮歲時
必遣賀問致水土物大府帥或道過其府府帥必戎服

左握刀右屬弓矢帕首袴鞬迎郊及既至大府帥先入據館帥守屏若將趨入拜庭之為者大府與之為讓至一再乃敢改服以賓主見適位執爵皆興拜不許乃止虔若小侯之事大國有大事諮而後行隸府之州離府遠者至三千里懸隔山海使必數月而後能至蠻夷悍輕易怨以變其南皆岸大海多洲島颶風一日踔數千里漫瀾不見蹤跡控御失所依險阻結黨仇機毒矢以待將吏撞搪呼號以相和應蜂屯蟻雜不可爬梳好則

人怒則獸故常薄其征入簡節而踈日時有所遺漏不
究切之長養以兒子至紛不可治乃草薶而禽獮之盡
根株痛斷乃止其海外雜國若耽浮羅流求毛人夷賈
之州林邑扶南真臘于陀利之屬東南際天地以萬數
或時候風潮朝貢蠻胡賈人舶交海中若嶺南帥得其
人則一邊盡治不相寇盜賊殺無風魚之灾水旱癘毒
之患外國之貨日至珠香象犀玳瑁奇物溢於中國不
可勝用故選帥常重於他鎮非有文武威風知大體可

畏信者則不幸往往有事長慶三年四月以工部尚書
鄭公為刑部尚書兼御史大夫往踐其任鄭公常以節
鎮襄陽入帥滄景德棣歷河南尹華州刺史皆有功德
可稱道入朝為金吾將軍散騎常侍工部侍郎尚書家
屬百人無數畝之宅僦屋以居可謂貴而能貧為仁者
不富之效也及是命朝廷莫不悅將行公卿大夫士苟
能詩者咸相率為詩以美朝政以慰公南行之思韻必
以來字者所以祝公成政而來歸疾也

工部侍郎

歷代沿革周之冬官小司空中大夫也隋煬帝改置工部侍郎工部尚書統侍郎二人唐因之龍朔改為司平少常伯咸亨復他時曹名或改而官不易宋元豐正名初除熊本元仍宋制置之

羣書要語百工惟時命汝典制

常衮制

起曹書殿兼而委

之

白集工侍兼集賢殿制

共工之貳

南堂擬制

飭五材程匠事冬官寵

列俾介厥司

同上

冬官之貳方此得人疇若予工汝為已

試

曲阜郭知章制

疇若子工汝往為允紀綱繕修之政杜塞滯

巧之作

曲阜制

古今事實

有宰相望

唐李棲筠字貞一為工部侍郎魁然有宰相望

本傳

得中書資

帝問蘇頲有工部侍郎得中書侍郎者乎對曰陛下任

賢惟所命何資之計

唐書

重惜名器

宋太祖重惜名器錢昱自白州刺史求文資得秘書監
遷工部侍郎連典數郡無治聲上謂宰相曰此貴家子
不可以任丞郎改郢州團練使

筆談

求拜退章

宋端拱元年工部侍郎同知朝京官考課雷得驤求致
政先是與趙普不協普再入相制下之日德驤方立朝
不覺笏墮遂拜章求退普之讎也

指陳實事

宋張忠簡權工部侍郎給札侍從臺諫條具時務公上
十事時應詔數十人惟公與國子司業王十朋指陳實
事斥言權倖無所回隱明日上召兩人對內殿大加稱
賞賜酒者再回授御書一軸

首言典學

楊龜山先生時為工部侍郎入對首言自古聖賢之君
未有不以典學為務以君德在是故也尋命兼侍讀

長編

工部郎中

歷代沿革周禮大司空屬官下大夫蓋郎中之任也晉
宋齊皆有起部郎中宋起部郎不常置梁陳改置起
部侍郎隋初為工部侍郎煬帝改起部唐武德改工
部郎中龍朔改司平大夫咸亨復光宅神龍並隨曹
改復宋元豐正名初除范子奇高遵惠元因之置工
部郎中

羣書要語冬卿之屬

公是行李
徽之制

中臺起曹郎選尤重

曲

制 宮室城隍程匠度材之事郎於起部其選甚高

南堂范子

奇制 郎吏今之高選工官號為劇曹

張元方制

詩句身覺省郎在家須農事歸杜甫不才名位晚敢恨省

郎遲

同上夔府書懷

郎官幸備員 欲陳濟世策已老尚書

郎 雖為尚書郎不及村野人

馨香粉署妍

並杜詩注公時

乃工部員郎不能詣省徒想其官署之妍美耳

古今事實

掌程式

唐工部郎中貲外郎掌經營興造之衆務凡城池之脩
濬土木之繕葺工匠程式咸經度之六又掌興造工匠
諸公廨舍宇五行紙筆之事職員

知制誥

宋范杲以工部郎中知制誥會要

古今文集

律詩

贈工部郎中

王建

金爐烟裏要班頭欲得歸山可自由每度報朝愁入閭
在先教示小千牛

工部員外郎

歷代沿革後周依周禮制置小司空蓋員外之職也隋
開皇六年置工部員外郎煬帝改起部承務郎唐改
為工部員外郎龍朔三年改司平員外郎咸亨光宅
神龍隨改復宋仍唐舊元置二人

羣書要語隋朝二十四司各置員外郎一人以司其曹

之帳藉昔陶弘景代之高義始願四十為尚書郎而不

遂國朝選著尤因其良

元稹授羅讓工部員外郎制

詩句馨香粉署妍

杜詩注公時為工部員外郎不能諳省徒想其官署之美耳

欲陳

濟世策已老尚書郎

杜詩

不才名位晚敢恨省郎遲

杜夔府書

懷

郎官幸備員

同上

雖為尚書郎不及村野人

同上

古今事實

杜甫獻賦

杜甫有詩名玄宗時獻朝饗太清宮賦拜官祿山陷京

師玄宗幸蜀肅宗即位於靈武甫間關奔詣行在拜左拾遺因房琯罷相甫諫不納請告省家後嚴武辟為幕府拜工部員外郎劔南西川節度府叅謀官

本記

蔣係泣諫

蔣係遷工部員外郎又遷郎中宰相宋申錫為北軍羅織罪在不測係與諫官崔玄亮泣諫於玉階之下申錫方減死時論稱之

唐書

工部分掌

山林川澤之禁

舊虞部

歷代沿革周禮有山虞澤虞蓋虞部之職也魏始有虞部郎中晉因之宋齊省梁陳為侍郎隋為承務郎唐龍朔為司虞大夫咸亨隨曹改復宋虞部無掌以屯田郎兼之元工部以令史分掌

羣書要語山虞掌山林之政令澤虞掌國澤之政令

周禮

帝曰疇若予上下草木鳥獸僉曰益哉帝曰俞咨益汝

作朕虞

書舜典

古今事實

職掌山澤

唐郎中員外郎掌京都衢闕苑囿山澤草木及百蠻蕃客時蔬薪炭供頓畋獵之事

虞衡之守

菟田以時澤梁有禁虞衡之守所以遂嘉生叅化育

工部分掌

都水監
都水

舊水部

歷代沿革後周冬官有司水中大夫有司水上士隋文帝有水部侍郎煬帝改承務郎唐復故龍朔改司水

大夫咸亨隨曹改復宋水部無所掌元設都水監都
水一員並隸工部

羣書要語川衡掌巡川澤之禁令

詩句省中官最美無似水曹郎

古今事實

掌津濟運漕

唐郎中員外郎掌津濟舩艦渠梁隄堰溝洫漁捕運漕
碾磴之事

古今事類聚新集卷十六